

ST: studiespesialisering
EL: elektrofag
ID: idrettsfag

SR: Sal, service og reiseliv
IM: IKT og medieproduksjon
PB: Påbygging til generell studiekompetanse
TAF: Tekniske allmenne fag

Til nye elevar ved Ulstein vidaregåande skule

VEL MØTT SOM NY ELEV VED ULSTEIN VIDAREGÅANDE SKULE SKULEÅRET 2022-2023

Du har tidlegare fått melding om at du har fått plass som elev ved Ulstein vgs skuleåret 2022-2023.

Skulen startar opp for elevane til vanleg skuletid **måndag 22.august kl.08:20**. Alle nye elevar møter i skulen sitt Atrium, der heng det lyster med oppslag over kva rom ein skal møte i.

Ulstein vgs er glad for å kunne ønske nye elevar velkomne til ein fin skule i trivelege omgivnader. I januar 2015 tok skulen i bruk den nye Ulsteinhallen til idrett- og kroppsøvingsaktivitet, samt 6 nye klasserom for teoriundervisning. Dette gjer at skulen no kan ha all undervisning i gode og tidsrette klasserom, der dei fleste er godt utstyrt teknisk.

I møtet med ny skule er det viktig at du møter med ei positiv innstilling til å lære, til å tilegne deg kunnskap og gode haldningar. Vilje til samarbeid er også viktig; både i høve medelevar, tilsette og skulen si leiing. Dette er føresetnader som er med på å gjøre opplevinga av skulekvardagen meiningsfull og viktig.

Skulen pliktar å legge tilhøva til rette for deg på ein slik måte at du skal kunne få auke kunnskapane dine, utvikle haldningane dine og styrke evna di til samarbeid, til beste både for deg sjølv og andre, enten i skulesamfunnet eller seinare i høgskule eller arbeidsliv.

På internetsida <http://skolestart.mrfylke.no> finn du ulik informasjon og her bestiller du PC gjennom fylkeskommunen. Skuleåret 22/23 vil elevane ved vg1 Ulstein vgs få tilbod om ein oppgradert elev-pc. Dette er ikkje den same elev-pc som resten av fylket sine elevar får tilbod om. Denne pc-en har funksjonalitet som gjer det mogleg å skrive med digital penn på skjermen, og undervisninga vil bli lagt opp til at elevane skal kunne nyttiggjere seg av denne teknologien. Vi rår deg til å bestille denne oppgraderte PC-en.

I tillegg gjennomfører skulen eit prosjekt for å teste ut om penn-funksjon på pc fører til betre læring. Det er eit forskingsprosjekt knytt til denne satsinga, der det er frivillig å delta. Meir info om forskinga får du ved skulestart. Uansett om du vil delta i forskinga eller ikkje, kan du kjøpe denne pc-en gjennom pc-ordninga. Spesifikasjonane til denne pc-en ligg vedlagt. Meir informasjon og bestilling finn du under PC-ordninga på nettsida <http://skolestart.mrfylke.no>. For at denne pc-en skal verte utlevert første skuledag, må føresette ha signert digitalt på bestillinga før skulestart. Signering skjer på <http://skolestart.mrfylke.no>

Har du behov for skuleskyss finn du her link til nettsida <http://skoleskyss.mrfylke.no>.

Er du tatt inn som elev enten på studiespesialisering eller idrettsfag, må du velje mellom to ulike kurs i matematikk. Når det gjeld framandspråk tek skulen utgangspunkt i valet du gjorde då du søkte vidaregåande opplæring. Dersom det er mange elevar som ønsker same fag, kan det bli fullt i gruppene, og skulen må då gi deg eit alternativt språk. I slike tilfelle vil inntaket/fordelinga skje etter karakterpoeng. Det er heller ikkje sikkert at skulen kan gi tilbod innan det faget du ønskete via VIGO. Då vil du ved skulestart bli beden om å gjøre eit nytt språkval. Meir informasjon om dette ved skulestart. På <http://skolestart.mrfylke.no> registrerer du val av matematikk og **fristen for det er 12.august**.

Generell informasjon om skulen og skulestart vert å finne på skulen si heimeside www.ulstein.vgs.no. På heimesida ligg ulike skjema som vi ber deg fylle ut og levere kontaktlærar ved skulestart/innan fristen. Hugs også at du kan søkje Lånekassa om utstyrssstipend. Sjå Lånekassa - lanekassen.no for meir informasjon.

ST: studiespesialisering SR: Sal, service og reiseliv
EL: elektrofag IM: IKT og medieproduksjon
ID: idrettsfag PB: Påbygging til generell studiekompetanse TAF: Tekniske allmenne fag

Ulstein vidaregåande skule gir kvart år ut ein skulekatalog med bilde og namn til alle elevane. Er dette problematisk for deg, må du ta dette opp med kontaktlærar snarast etter skulestart.

Hjarteleg vel møtt til Ulstein vidaregåande skule. Vi ser fram til å verte kjent med deg og håper at skuleåret 2022-2023 vert eit triveleg og lærerikt år for alle.

Ulsteinvik, juli 2022

Margaret Alme

Rektor

Vedlegg:

Spesifikasjon HP Probook X360 435